

## Naqqiut

Siunnersuut 2. marts 2016-imeersoq taarserpaa

Inatsisartut Allattoqarfianit innersuussineq malillugu immikkoortup qulequtaata nutserneqarnerani iluarsiiisoqarpoq.

Inatsisartut Suleriaasianni § 33 naapertorlugu aalajangiiffigisassatut siunnersuut manna matumuuna Naalakkersuisut saqqummiuppaat:

**Pinerluuteqarsimasunik tunniussisinnaatitaaneq pillugu inatsisip allanngortinneqarneranik inatsisit ilaasa Kalaallit Nunaannut atuutilersinneqarnerannik kunngip peqqussutaanut Namminersorlutik Oqartussat oqaaseqaateqarnissaat pillugu Inatsisartut aalajangiiffigisassaattut siunnersuut** (Inuussutissarsiornermut, Suliffeqarnermut, Niuernermet Nunanullu Allanut Naalakkersuisoq)

### Tungavilersuut

Atomip nukinganik sakkooqarluni pinerliiniartoqartarneranut akiunermet nunani tamalaani isumaqatigiisummut 13. april 2005-imeersumut aamma Det Internationale Atomenergiagenturip atomip nukinganit atortussianik inissisimaffiini isumannaarinissaq pillugu nunani tamalaani isumaqatigiissutaanut nunani tamalaani isumaqatigiisummut allannguummut 8. juli 2005-imeersumut Kalaallit Nunaata peqataalerluni akuersinissaa siunertaralugu, pinerluuteqarsimasunik tunniussisinnaatitaanermut inatsimmi § 5, imm. 3, nr. 5-ip aamma 6-ip Kalaallit Nunaannut atuutilersinnissaa pisariaqartinneqarpoq.

### Tungaviusoq

Atomip nukinganik sakkooqarluni pinerliiniartoqartarneranut akiunermet nunani tamalaani isumaqatigiisutip 13. april 2005-imeersup Kalaallit Nunaanni peqataaffigilerlugu akuerineqarnissaa pillugu kiisalu Det Internationale Atomenergiagenturip atomip nukinganit atortussianik inissisimaffiini isumannaarinissaq pillugu nunani tamalaani isumaqatigiissutaanut nunani tamalaani isumaqatigiisummut allannguutip 8. juli 2005-imeersup Kalaallit Nunaannit peqataaffigilerlugu akuerineqarnissaa pillugu aalajangiiffigisassatut siunnersuutit Inatsisartut ulloq 2. december 2015 akueraat.

## **Imai**

Nunani tamalaani isumaqatigiissutit pineqartut taakkua piunasaqaatigaat, politikikkut pinerluttuliortut tunniunneqarsinnaassasut, tamannalu pinerluuteqarsimasunik tunniussisinnaatitaanermut inatsisip oqaasertalerneqarnera Kalaallit Nunaannut atuuttoq malillugu periarfissaqanngilaq. Inatsisunik atuutsitsinermut ministereqarfik aamma Illersornissamut ministereqarfik (Upalungaarsimanermut aqutsisoqarfik) tamanna tunngavigalugu naliliipput, pinerluuteqarsimasunik tunniussisinnaatitaanermut inatsimmi § 5, imm. 3, nr. 5-ip aamma 6-ip Kalaallit Nunaannut atuutilersinnissaa pisariaqartinneqartoq.

Aalajangersakkat atuutsinneqalernerat, iliuseqarneq nunani tamalaani isumaqatigiissutini pineqartuni, pineqartunut ilaasimappat, politikikkut pinerluttuliortut tunniunneqarsinnaalernerannik, kinguneqassaaq.

Kalaallit Nunaata nunani tamalaani isumaqatigiissutini pineqartuni peqataalerluni akuersinissaa siunertaralugu Inatsisunik atuutsitsinermut ministereqarfiup pinerluuteqarsimasunik tunniussisinnaatitaanermut inatsimmi (inatsit nr. 378, 6. juni 2002-imeersoq aamma inatsit nr. 494, 12. maj 2010-imeersoq) aalajangersakkat taaneqartut atuutsinneqalernissaat pillugu kunngip peqqussutaanut missingiut suliaraa.

## **Namminersorlutik Oqartussanut aningaasaqarnikkut sunniutaasussat**

Siunnersuut Namminersorlutik Oqartussanut aningaasaqarnikkut imaluunniit allaffissornikkut sunniuteqassagatinneqanngilaq.

## **Inuussutissarsiortunut il.il. aningaasaqarnikkut allaffissornikkullu sunniutaasussat**

Siunnersuut inuussutissarsiortunut innuttaasunullu aningaasaqarnikkut sunniuteqassanngilaq.

## **Tusarniaaneq**

Siunnersuut Namminersorlutik Oqartussat tusarniaanermut nittartagaanni ulloq 25. februar 2016 tikillugu tusarniaassutigineqarpoq.

## **Inassuteqaat**

Naalackersuisut tamanna tunngavigalugu inassutigissavaat, pinerluuteqarsimasunik tunniussisinnaatitaaneq pillugu inatsisip ilaata allangortinneqarnissaa pillugu inatsisip Kalaallit Nunaanni atuutilersinneqarnissaanut peqqussut Namminersorlutik Oqartussat akuerisinnaagaat.